

**UDRUŽENJE „REIS MEHMED-DŽEMALUDIN ČAUŠEVIĆ“
BOSANSKA KRUPA**

S T A T U T

Udruženje „Reis Mehmed-Džemaludin Čaušević“

Bosanska Krupa, februara 2011.god.

Na osnovu odredaba člana 18. Zakona o udruženjima i fondacijama («Sl.Novine F BiH» br 45/2002), Skupština Udruženja „Reis Džemaludin-Mehmed Čaušević“ Bosanska Krupa dana 28.03.2011.godine d o n o s i:

STATUT

Udruženje „Reis Mehmed-Džemaludin Čaušević“

I NAZIV I SJEDIŠTE DRUŠTVA

Član 1

Udruženje „Reis Mehmed-Džemaludin Čaušević“ Bosanska Krupa (u daljem tekstu : Udruženje) je dobrovoljna van stranačka nevladina asocijacija koja okuplja ljubitelje i poštovaoce lika i djela Reis Mehmed-Džemaludin Čaušević koji svojom inicijativom ,kreativnošću i zalaganjem doprinose očuvanju lika i djela našeg pozantog, priznatog i uvaženog Reis Mehmed-Džemaludin Čaušević.

Član 2

Udruženje će djelovati pod nazivom :

UDRUŽENJE „REIS MEHMED -ŽEMALUDIN ČAUŠEVIĆ“

Sjedište Društva je u Bosanskoj Krupi, Ul.Reis.Džemaludin Čaušević br:4.

Član 3

Udruženje ima svojstvo pravnog lica.

Udruženje djeluje na području općine Bosanska Krupa,Unsko-sanski kanton.

Udruženje ima svoj žiro-račun koji se vodi kod poslovne banke.U kojoj poslovnoj banci će biti otvoren žiro-račun odlučuje Upravni odbor Društva.

Član 4

Rad Udruženje je javan.

Javnost rada se ostvaruje obavještavanjem članstva i javnosti izdavanjem saopštenja, letaka, putem javnih medija i slično.

Sjednice organa Udruženje su u pravilu javne,ako se ne odluči u iznimnim slučajevima drugačije.

II CILJEVI I DJELATNOST UDRUŽENJA

Član 5

Ciljevi i djelatnosti Udruženje su :

- očuvanje uspomene na lika i djela Reisa Mehmeda-Džemaludina Čauševića,
- izgradnja spomen kuće i muzeja u Arapuši općina Bosanska Krupa,
- prikupljanje pisani materijala i djela u cilju očuvanja i propagiranja,

- priređivanje izložbi u cilju propagiranja lika i djela Reisa Mehmeda-Džemaludina Čauševića,
- stvaranje što optimalnijih uslova za uspješno funkcionisanje Udruženja,
- pružanje neophodnih informacija u odabiru idejnih rješenja za izradu planova i projekata u svakom konkretnom slučaju, u vezi izgradnje spomen kuće i infrastrukture područja Arapuše i drugih aktivnosti,
- stvaranje uslova za realizaciju projekata Udruženje
- pružanje pomoći potencijalnim investitorima u prikupljanju informacija o programima u cilju daljeg investiranja ,
- poštivanje vjerske i moralne etike, važećih zakonskih i drugih propisa, u vezi očuvanja i zaštite lika i djela Reisa Mehmeda-Džemaludina Čauševića,
- jačanje moralnih kvaliteta članstva,
- zalaganje na sprečavanju nanošenja štete liku i djelu Reisa Mehmeda-Džemaludina Čauševića,
- organizovanje nastupa na manifestacijama, izložbama i drugim promotivnim manifestacijama,
- organizovanje edukativnih trebina i seminara,
- surađuje sa drugim Udruženjima,

Član 6

U ostvarivanju programskih ciljeva i zadataka Udruženje :

- ostvaruje neposrednu saradnju sa organima općine Bosanska Krupa, USK-a Kantona i Federacije BiH u svim oblastima od interesa za zaštitu i očuvanje lika i djela Reisa,
- organizuje servisne poslove za svoje članove shodno njihovim potrebama i u zavisnosti od broja kadrova Udruženje
- podstiče i unapređuje međusobnu saradnju članova radi unapređenja njihovog rada i razvoja , omasovljenja članstva, razmjene iskustava i sl.,
- ostvaruje saradnju sa finansijskim institucijama radi iznalaženja prvenstveno donacija i povoljnih kreditnih linija, zajednička ulaganja i sl.,
- organizuje izradu kataloga, učesće na trebinama radi promocije i upoznavanja sa dostignućima, u oblasti lika i djela Reisa Mehmeda-Džemaludina Čauševića,
- ostvaruje saradnju sa drugim udruženjima,
- ostvaruje saradnju sa sredstvima javnog informisanja,
- obavlja i druge poslove za koje članovi iskažu interes, u skladu sa pozitivnim pravnim propisima.

Član 7

Udruženje može u okviru svoje djelatnosti i programskih ciljeva osnivati organizacijske jedinice, kao i subjekte za privrednu i drugu djelatnost, pod uvjetima utvrđenim zakonom i ovim Statutom.

Odluku o osnivanju organizacijskih jedinica (sekcije, odsjeci, stanice i sl.) donosi Upravni odbor Udruženje na osnovu ukazane potrebe. Odlukom o osnivanju imenuju se povjerenici , ciljevi, zadaci , način rada , rokovi i drugo.

Odluku o osnivanju privrednih subjekata iz prethodnog stava donosi Upravni odbor Udruženje na osnovu Elaborata poslovne uspješnosti.

III ORGANI UDRUŽENJA

Član 8

Organi Udruženje su :

1. Skupština
2. Upravni odbor
3. Nadzorni odbor
4. Sud časti
5. komisije

1. SKUPŠTINA UDRUŽENJA

Član 9

Skupština Udruženja je najviši organ upravljanja Udruženja.

Skupština donosi odluke aklamacijom, ako se ne odluči drugačije.

Skupštinu čine svi članovi Udruženja

Skupština punovažno odlučuje ako sjednici prisustvuje 1/3 pozvanog članstva članstva, a odluka je donešena, ako je za nju glasala većina prisutnih.

Član 10

Skupština vrši sljedeće poslove :

- donosi Statut, njegove izmjene i dopune , i druge opće i pojedinačne akte
- imenuje i razrješava predsjednika i zamjenika predsjednika Skupštine,
- imenuje i opoziva lice ovlašteno za zastupanje i predstavljanje Udruženja (Predsjednika Upravnog odbora),
- imenuje i razrješava Upravni odbor Udruženja,
- imenuje i razrješava Nadzorni odbor , te po potrebi formira komisije,
- razpravlja i odlučuje o izvještajima organa Udruženja,
- odlučuje o prigovorima na odluke organa u II stepenu,
- usvaja program rada i odlučuje o izvještaju i o njegovom izvršenju,
- brine o unapređenju rada Udruženja,
- odlučuje o udruživanju u saveze, pripajanju, razdvajanju, transformaciji, i drugim statusnim promjenama,
- donosi odluku o prestanku rada Udruženja i raspodjeli preostale imovine,
- odlučuje o svim pitanjima koja nisu u nadležnosti drugog organa,
- obavlja i druge poslove u skladu sa zakonom i ovim Statutom.

Član 11

Skupština se održava najmanje jednom godišnje.

Skupštinu saziva i njome rukovodi predsjednik Skupštine, a u njegovoj odsutnosti zamjenik predsjednika. U slučaju spriječenosti predsjednika i njegovog zamjenika ,radom Skupštine će rukovoditi lice koje se neposredno izabere na samoj sjednici.

Vanrednu sjednicu Skupštine može sazvati i Upravni odbor ili najmanje 10 članova Udruženja.

Izborna Skupština se saziva svake četvrte godine i to 30 dana prije isteka mandata imenovanim licima i organima.

O radu Skupštine vodi se zapisnik sa svim relevantnim podacima-činjenicama.

2. UPRAVNI ODBOR

Član 12

Upravni odbor Udruženja ima 7 članova i to : Predsjednika , zamjenika predsjednika i 5 člana.

Članove Upravnog odbora, predsjednika i njegovog zamjenika bira Skupština Udruženja na period od 4 godine. Mandat se može još jednom ponoviti.

Predsjednik i njegov zamjenik se biraju iz reda članova Upravnog odbora.

Član 13

Predsjednik Upravnog odbora je lice ovlašteno za zastupanje i predstavljanje Udruženje.

Predsjednik Upravnog odbora svakodnevno upravlja radom Udruženja.

Upravni odbor saziva i radom rukovodi Predsjednik,a u njegovoj odsutnosti zamjenik predsjednika Upravnog odbora.

U izuzetnim slučajevima (viša sila i sl.) sjednicu Upravnog odbora mogu sazvati najmanje 3 člana.

Član 14

Upravni odbor vrši sljedeće poslove :

- priprema sjednice Skupštine,
- sprovodi odluke i ostale akte Skupštine,
- izvršava programske ciljeve i zadatke,
- predlaže Skupštini godišnji plan rada,
- odlučuje o osnivanju privrednih subjekata Udruženja,
- odlučuje o osnivanju organizacijskih jedinica,
- predlaže izmjene i dopune Statuta Udruženja,
- upravlja sredstvima i imovinom Udruženja,
- donosi godišnji finansijski plan prihoda i rashoda,
- usvaja završne i periodične obračune Udruženja,
- podnosi Skupštini izvještaje o radu i materijalno-finansijskim poslovanju,
- osigurava uslove za rad Udruženja,
- ostvaruje saradnju sa srodnim asocijacijama, bankama, komorama, organima uprave ...
- donosi odluke o priznanjima i nagradama,
- odlučuje u I stepenu,
- predstavlja Udruženje u zemlji i inostranstvu,
- imenuje po potrebi radna tijela,
- promovise interese Udruženja pred Vladom, javnom administracijom i sl.
- podržava životnu etiku, nediskriminaciju, socijalnu odgovornost i sl.
- radi na edukaciji članova radi,
- zapošljava radnike stručne službe, domare i drugo u Udruženju, na osnovu potrebe i finansijskih uslova,
- radi i druge poslove od interesa za Udruženje u skladu sa zakonom i drugim propisima.

Član 15

Upravni odbor svoje odluke donosi većinom od ukupnog broja članova

Član 16

Upravni odbor za svoj rad odgovara Skupštini Udruženja.

Član 17

O radu Upravnog odbora vodi se zapisnik u koji se upisuje mjesto, datum i vrijeme održavanja sjednice, prisutni i odsutni članovi, prisutni na poziv, dnevni red, kraće diskusije po tačkama dnevnog reda, način glasanja, donošenje odluke, zaključci i sl.

Zapisnik u pravilu vodi sekretar Udruženja, a po odluci i drugo lice.

3. NADZORNI ODBOR

Član 18

Nadzorni odbor vrši sljedeće poslove :

- nadzire rad Udruženja,
- nadzire materijalno-financijsko poslovanje Udruženja,
- nadzire primjenu Statuta i drugih pozitivnih pravnih propisa iz djelatnosti,
- podnosi izvještaj o svom radu Skupštini,
- radi i druge poslove u skladu sa zakonom i ovim Statutom koji mu se stave u nadležnost.

Član 19

Svi organi Udruženja su dužni Nadzornom odboru omogućiti nesmetani radi i pružiti na uvid zahtijevanu dokumentaciju.

O uočenim nepravilnostima Nadzorni odbor pismeno upozorava organ kod kojeg je nepravilnost uočena i predlaže mjere za otklanjanje, te nadzire dalji rad.

Član 20

Članove Nadzornog odbora bira Skupština Udruženja iz svojih redova, na period od 4 godine. Mandat se može još jednom ponoviti.

Nadzorni odbor ima 3 člana i jednog zamjenika. Nadzorni odbor radi u sastavu od 3 člana, a predsjednika biraju između sebe članovi na prvoj konstituirajućoj sjednici.

Prvu konstituirajuću sjednicu saziva predsjednik Skupštine Udruženja i rukovodi njenim radom do izbora predsjednika Nadzornog odbora.

Predsjednik Nadzornog odbora je dužan sazvati sjednicu Nadzornog odbora, i na zahtjev predsjednika Upravnog odbora, predsjednika Skupštine, 2 člana Nadzornog odbora i 10 članova Udruženja

O radu Nadzornog odbora vodi se zapisnik sa svim pravno-relevantnim činjenicama.

Član 21

Za člana Nadzornog odbora ne može biti biran predsjednik Skupštine, predsjednik Upravnog odbora ili njegov zamjenik, kao i radnik stručne službe Udruženja.

Član 22

Za svoj rad Nadzorni odbor odgovara Skupštini Udruženja.

4. SUD ČASTI

Član 23

Sud časti vodi postupak utvrđivanja odgovornosti članova Udruženja i izriče im mjere.

Član 24

Sud časti imenuje Skupština na mandatni period od 4 godine. Mandat se može ponoviti još dva puta.

Sud časti radi u sastavu od 3 člana, a predsjednika biraju članovi međusobno na prvoj konstituirajućoj sjednici. Prvu konstituirajuću sjednicu saziva predsjednik Skupštine.

Za člana Suda časti ne može biti biran član Upravnog odbora, predsjednik i zamjenik predsjednika Skupštine, kao i radnik stručne službe Udruženja.

Izuzetno za člana može biti birano i lice koje nije član Društva, ako mu Skupština zbog autoriteta i dokazano visokih etičko-moralnih kvaliteta ukaže povjerenje.

O radu Suda časti se vodi zapisnik sa svim pravno relevantnim činjenicama.

Član 25

Postupak pred Sudom časti pokreće se na pismeni zahtjev bilo kojeg organa ili člana Udruženja. Postupak se može pokrenuti i na zahtjev nadležne inspekcije ili drugog organa uprave.

Sud časti ocjenjuje dokaze navedene u zahtjevu i odlučuje o osnovanosti zahtjeva.

Ako Sud časti ocijeni da je zahtjev osnovan, otvara dokazni postupak razmatranjem svih relevantnih činjenica i dokaza predmetnog slučaja. Sud časti je slobodan da po svom nahodjenju pristupi prikupljanju novih dokaza kroz izjave svjedoka, dokumenta i slično u cilju potpunog sagledavanja svih faktora koji mogu imati uticaja na buduću odluku. Nakon razmatranja svih relevantnih činjenica i dokaza predmetnog slučaja Sud časti donosi odluku i izriče mjeru.

U slučaju neopravdanosti zahtjeva ili njegove neosnovanosti Sud časti neće pokrenuti postupak za utvrđivanje odgovornosti.

Ako nakon provedenog postupka djelo koje se stavlja na teret počiniocu nije dokazano, Sud časti će poništiti do tada provedeni postupak i obavijestiti predlagača.

Član 26

Sud časti, zbog :

- neizvršavanja obaveza, odluka i zadataka od strane člana Udruženja
- nanošenja nematerijalne štete rušenjem ugleda, djelovanjem koje ometa razvoj i prosperitet Udruženja i sl.
- grubo kršenje važećih zakonskih propisa i Statuta čime se dovodi u pitanje rad i funkcionisanje Udruženja

počiniocu za dokazano djelo izriče mjeru : isključenja iz članstva Udruženja.

Za navedeno Sud časti može, ako je djelo učinjeno pod iznimnim okolnostima, ublažiti mjeru i izreći mjeru upozorenja : predisključenje do 6 mjeseci.

Član 27

Izrečenu mjeru sa pismenim obrazloženjem Sud časti dostavlja podnosiocu zahtjeva, počiniocu i Sekretaru Udruženja.

Nezadovoljna strana može izjaviti prigovor u roku od 15 dana od dana prijema odluke navodeći nove činjenice i dokaze ili nepravilnosti u postupku.

O prigovoru u II stepenu odlučuje Skupština Udruženja.

Odluka Skupštine je konačna.

Član 28

Po pravnosnažnosti odluke Suda časti , Sekretar postupa po izrečenoj mjeri :

1. ako je izrečena mjera «brisanje iz evidencije članstva» : brisanjem iz evidencije članstva
2. ako je izrečena mjera upozorenja «predisključenje» na određeni vremenski period : mjera se izvršava uvođenjem u evidenciju izrečenih mjera i praćenjem protoka roka na koji je mjera izrečena.

5. KOMISIJE

Član 29

Radi pomoći u izvršavanju određenih zadataka i odluka Skupština, odnosno Upravni odbor mogu imenovati radna tijela : komisije, radne grupe i sl.

Odlukom o imenovanju utvrđuje se sastav, zadatak, djelokrug rada, rokovi i drugo.

IV PEČAT, ZNAK I ZASTAVA UDRUŽENJA

Član 30

Udruženja ima pečat okruglog oblika promjera 30 mm, sa tekstom uz unutrašnji rub pečata : „Reis Mehmed-Džemaludin Čaušević“ Bosanska Krupa, a na sredini vodoravno tekst :

Znak Udruženja je lik Reisa Džemaludina-Mehmeda Čauševića

Društvo ima zastavu koja je svijetlozelene boje sa znakom Udruženja u sredini.

V STRUČNA SLUŽBA UDRUŽENJA

Član 31

Udruženja ima stručnu službu koja se sastoji od : sekretara, a po potrebi knjigovođe/blagajnika i radnika na menadžmentu.

Poslovi u stručnoj službi se obavljaju u pravilu volonterski, a mjesta se popunjavaju prema potrebama Udruženja. Poslovi se mogu obavljati i profesionalno, ako se tako sporazumno odluči.

Član 32

Ako se odluči da se poslovi u stručnoj službi obavljaju profesionalno, Upravni odbor donosi odluku o prijemu u radni odnos zaposlenika stručne službe Udruženja.

Sa zaposlenikom se zaključuje ugovor o radu kojim se pobliže reguliše radni odnos prava i obaveze iz radnog odnosa u skladu sa Zakonom o radu i Općim kolektivnim ugovorom.

Član 33

Sekretar obavlja sve administrativno tehničke poslove, brine za organizaciju i dnevno poslovanje Udruženja, u skladu sa važećim zakonima i Statutom, pomaže u radu Predsjedniku Upravnog odbora i predsjedniku Skupštine, a po potrebi i drugim organima Udruženja vodi evidencije, protokol, kordinira radom organa i izvršava naloge organa Udruženja, te radi i druge poslove koje mu se stave u nadležnost.

Član 34

Knjigovođa/blagajnik vodi knjigovodstvo/blagajnu za potrebe Udruženja, prema važećim propisima koji regulišu oblast knjigovodstva, te prati promjene iz ove oblasti.

Član 35

Za svoj rad radnici stručne službe odgovaraju Upravnom odboru Udruženja.

VI STICANJE I RASPOLAGANJE IMOVINOM UDRUŽENJA

Član 36

Financijsko i materijalno poslovanje obavlja se na način i po postupku utvrđenom propisima i zakonom koji regulišu ovu oblast.

Član 37

Imovinu Udruženja čine ;

- članarine
- dobrovoljni prilozi i pokloni fizičkih i pravnih lica,
- sredstva dodjeljena iz budžeta,
- prihodi od kamata, dividendi, dobiti od kapitala, zakupnina, honorara i sličnih izvora pasivnih prihoda
- prihodi stečeni obavljanjem privredne djelatnosti
- drugi prihodi stečeni u skladu sa Zakonom i Statutom

Član 38

Predsjednik Upravnog odbora je naredbodavac za izvršenje financijskog plana, a u skladu sa odlukom Upravnog odbora, planom i programom.

Predsjednik Upravnog odbora može samostalno donositi odluke o upotrebi financijskih sredstava Udruženja do visine na koju ga ovlasti Upravni odbor svojom odlukom.

Kod donošenja odluke o upotrebi financijskih sredstava Udruženja mora se prvenstveno voditi računa o nivou sredstava potrebnih za funkcionisanje stručne službe Udruženja.

U slučaju donošenja štetne financijske odluke ili odluke kojom se narušava nivo sredstava potrebnih za nesmetan rad i funkcionisanje stručne službe Udruženja, služba će zadržati odluku od izvršenja i hitno obavijestiti članove Upravnog odbora, a po potrebi i Nadzorni odbor, do konačne odluke organa.

VII DONOŠENJE FINANCIJSKOG IZVJEŠTAJA I IZVJEŠTAJA O RADU

Član 39

Na kraju svake poslovne godine Upravni odbor usvaja završni račun iz kojeg se vidi stanje imovine Udruženja

Izvještaj o radu zajedno sa finansijskim izvještajem o utrošku sredstava potrebnih za izvršenje , Upravni odbor dostavlja najmanje jednom godišnje Skupštini Udruženja na odluku.

VIII POSTUPAK ZA DONOŠENJE STATUTA, IZMJENA I DOPUNA STATUTA I DRUGIH OPĆIH AKATA UDRUŽENJA

Član 40

Statut je najviši akt Udruženja.

Statut usvaja Skupština Udruženja, a za odluku o usvajanju potrebno je da sjednici prisustvuje 1/3 ukupnog broja članstva i da za odluku glasa većina prisutnih (1/2 + 1 glas).

Član 41

Izmjene i dopune ovog Statuta donose se na način i po postupku za njegovo donošenje.

Postupak za izmjenu i dopunu Statuta mogu pokrenuti , pojedinačno :

- predsjednik Skupštine
- Upravni odbor
- Nadzorni odbor
- 1/3 članstva Skupštine

Član 42

Skupština u pravilu donosi sva opća akta Udruženja , prostom većinom prisutnih.

Izuzetno, u slučaju hitnog postupka, opći akt može donijeti i Upravni odbor s tim da donešeni akt podnese Skupštini na potvrdu na prvoj narednoj sjednici .

Ostala opća akta koja nisu u nadležnosti Skupštine donosi Upravni odbor većinom od ukupnog broja članova.

IX ČLANSTVO

Član 43

Član Udruženja može postati svaki građanin BiH bez obzira na nacionalnu, vjersku, polnu, obrazovnu političku i drugu razliku.

Član 44

Članstvo u Udruženja je dobrovoljno.

Članom se postaje podnošenjem pismene pristupnice ili izjave.

Članovi imaju jednaka prava, obaveze i dužnosti koja proizilaze iz njihovog dobrovoljnog i slobodnog udruživanja temeljem zakona i ovog Statuta.

Član 45

Članovi Udruženja su dužni provoditi usvojene programe rada, odluke i zaključke organa Udruženja i izvršavati obaveze koje proističu iz zakona , Statuta, i drugih općih akata Udruženja.

Članovi su pored navedenog dužni naročito :

- redovno plaćati članarinu

- uredno i na vrijeme izvršavati sve obaveze, odluke, zadatke i akcije koje se provode,
- pomagati u radu Udruženja i doprinositi njegovom ugledu, razvoju i omasovljenu članstva,
- pridržavati se važećih zakona u okviru svoje djelatnosti
- obavljati i druge poslove koje im se stave u nadležnost.

Član 46

Član Udruženja , ima pravo da :

- učestvuje u radu Udruženja, da predlaže i učestvuje u donošenju odluke,
- bira i da bude biran u sve organe Udruženja ,

Član 47

Članstvo u Udruženja prestaje :

- prestankom rada Udruženja
- istupanjem iz Udruženja
- brisanjem iz evidencije
- isključenjem zbog narušavanja ugleda Udruženja ili permanentnog odbijanja izvršenja povjerenih zadataka i drugih obaveza
- neplaćanjem godišnje članarine

član 48

Počasni član Udruženja može postati osoba koja je naročito značajna za rad Udruženja ili je učestvovala u afirmaciji lika i djela Reisa Mehmeda-Džemaludina Čauševića.

Status počasnog člana Udruženja dodjeljuje Upravni odbor Udruženja.

Počasnom članu se uručuje prigodna diploma sa naznakom statusa.

X DODJELA ZAHVALNICA I PRIZNANJA

Član 49

Upravni odbor Udruženja može članu Udruženja ili drugom pravnom licu dodjeliti :

- zahvalnicu : za osobito zalaganje, preduzetoj inicijativi u izvršavanju povjerenih zadataka od značaja za rad Udruženja .
- priznanje : za posebno ostvarene rezultate i saradnju u razvoju Udruženja.

XI PRESTANAK RADA UDRUŽENJA

Član 50

Udruženja prestaje sa radom kada se za to ispune zakonske pretpostavke ili odlukom Skupštine Udruženja.

Odluku o prestanku rada donosi Skupština i to ako na sjednici prisustvuje najmanje 1/3 od ukupnog broja članova, a za odluku o prestanku rada se izjasni najmanje (1/2 +1) prisutnih članova.

XII RASPODJELA IMOVINE U SLUČAJU PRESTANKA RADA UDRUŽENJA

Član 51

U slučaju prestanka rad Udruženja, Skupština Udruženja, na istoj sjednici na kojoj je donešena odluka o prestanku rada Udruženja donosi odluku o raspodjeli preostale imovine Udruženja, odnosno o pravnom sljedniku imovine Udruženja.

Član 52

U slučaju pripajanja, razdvajanja ili transformacije Udruženja, na obrazloženi prijedlog Upravnog odbora, koji prijedlog sadrži uvjete i postupak, konačnu odluku donosi Skupština Udruženja.

XIII NAKNADA ŠTETE

Član 53

Član koji namjerno ili iz krajnje nepažnje ošteti stvar ili na drugi način nanese štetu Udruženja, dužan je štetu nadoknaditi.

Procjenu visine štete i način naknade utvrdiće komisija imenovana od strane Upravnog odbora.

U slučaju neuspjeha sporazumnog načina naknade štete, pokrenuće se postupak za naknadu štete pred nadležnim sudom.

XIV PRIJELAZNE I ZAVRŠNE ODREDBE

Član 54

Za sve što nije regulisano ovim Statutom primjenjivaće se pozitivni zakonski propisi koji regulišu ovu oblast.

Član 55

Ovaj Statut stupa na snagu danom usvajanja na Skupštini Udruženja, od kojeg dana se i primjenjuje.

Broj :01/2011

Bos.Krupa,28.03.2011.godine

Presjednik skupštine:
